



# Халқ сўзи

Ўзбекистон — келажги буюк давлат

1991 йил 1 январдан чиқа бошлаган

http://xs.uz

E-mail: info@xs.uz

2014 йил 30 апрель, № 83 (6013)

Чоршанба

## МАМЛАКАТИМИЗ

### ТАРАҚҚИЁТИ

### ЙЎЛИДА



Наманганда "Ўзбектелеком" акциядорлик компаниясининг ягона хизмат маркази ишга туширилди. У компания тизимида амалда бўлган асосий ва қўшимча хизматлар тўғрисидаги муқаммал маълумотларни тезкор равишда тақдим этиши билан мижозларга катта қулайлик яратди.

### Алоқа хизмати янада такомиллаштирилди

Яна бир эътиборли жиҳати, эндиликда операторлар энг тизим вақтида ҳам юқори даражада барқарор ишлаш олади. Яъни автоматлаштирилган технология ёрдамида чақирилган тезкор жавоб бериш имкони туғилди. Мижозлар ягона хизмат маркази орқали "Ўзбойл" мобил алоқа тизими, интернет тармоғи ва IPTV йўналишлари бўйича тўлиқ маълумот ҳамда ахборотлар олиши мумкин.

Қудратилла НАЖМИДДИНОВ, «Халқ сўзи» мухбири.

### Истиқболли шартномалар

Гулистон шаҳридаги "Biotoz" масъулияти чекланган жамиятида ишлаб чиқарилаётган кир ювиш кукунлари ўзидан турли мева ва гуллар ифориини таратади.

Айни пайтда бу тозалаш воситалари кийим-кечақлардаги зарарли инфекцияларга барҳам бериш хусусиятига ҳам эга. Қолаверса, нархи турдош корхоналарникига нисбатан анча арзон. Ҳозир корхонада кир ювиш кукунлари 300 грамм ҳажмда қадоқланмоқда. Ўз навбатида, махсулот сифати ва турини ошириш борасидаги изланишлар давом эттириляпти.

дарё виллоятида бўлиб ўтган ҳудудий саноат ярмаркаси ва кооперация биржасида "Biotoz" масъулияти чекланган жамияти ҳудудда янги махсулотлар ишлаб чиқаришни муваффақиятли ўзлаштирган корхоналардан бири сифатида муносиб эътироф этилди. Қолаверса, мазкур саноат ярмаркасида корхона томонидан янги ҳамкорлар билан истиқболли шартномалар ҳам тузилди.

Ахмадали ШЕРНАЗАРОВ, «Халқ сўзи» мухбири.

### Каштачилик анъаналари асосида тайёрланади

Навбахор туманидаги агроиқтисодиёт касб-хунара коллежи ўқувчиси Амина Неъматова ўзининг хусусий корхонасини ташкил этди.

Айни пайтда у раҳбарлик қилаётган кичик бизнес субъектида болалар ва аёллар учун кийим-кечақлар ҳамда сумка ва ҳамёнлар тайёрланапти. — Беш нафар дугонам билан иш бошладик, — дейди Амина Неъматова. — Дарсдан бўш вақтимизни шу ерда ўтказамиз. Бу эса олган билимимизни амалиётда қўллаш имконини берапти. Махсулотларимиз савдо пештахталарида сотилаётган турдошларидан фарқ қилади. Чунки уларни тайёрлашда қадимий каштачилик ва матога нақш тушириш усулидан кенг фойдаланиб, замонавийлик ва миллийликни уйғунлаштиришга ҳаракат қилаяпти.

Азамат ЗАРИПОВ, «Халқ сўзи» мухбири.

### Ишлаб чиқариш бир ярим баробар ортади

Олтинсой туманидаги "Сурхон шағал кум" хусусий корхонасида кўрилган самарали тадбирлар натижасида йилга 100 миллион сўм тежаш имконияти юзага келди.

— Бунга банкнинг 250 минг долларлик сармояси ҳисобига хориждан харид қилинган илгор технологияларни ишлаб чиқаришга изчил жорий этиш орқали эришяптимиз, — дейди тадбиркор Жаббор Мамаюсов. — Хом ашёни ташиб келтириш ҳисобидан тежалеётган маблағ қўшимча линиялар сотиб олишга йўналтирилмоқда.

Нормурод ТЕМИРОВ, «Халқ сўзи» мухбири.

2014 йил 15-16 май кунлари Самарқандда ўтказиладиган "Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожидagi роли ва аҳамияти" мавзусидаги халқаро илмий конференциянинг иштирокчилари ҳозирданок анжуман ҳақидаги фикр-мулоҳазаларини ўртоқлашмоқда.

Габриэль Пиричка:

## «Ўзбекистон буюк олим ва мутафаккирларнинг Ватанидир»

Словакиядаги Ориенталистика жамиятининг раиси, Словакия Фанлар академиясининг Ориенталистика институти доктори Габриэль Пиричка "Жаҳон" ахборот агентлиги мухбири билан бўлиб ўтган суҳбат чоғида қуйидагиларни айтди:

— Ўзбекистон башариёт цивилизацияси тараққиётига бебаҳо хисса қўшган буюк олим ва мутафаккирларнинг Ватани ҳисобланади.

Табийи фанлар соҳасидаги энг машҳур аллома — Абу Али ибн Синонинг асарлари Словакияда шарқшуносликнинг асосчиси профессор Ян Бакош (1890-1967) томонидан француз тилига ўғирилган. 500 йилдан зиёд давр

мобайнида Европа ва Осиёда таъбаот илми Ибн Синонинг "Тиб қонунлари" номли фундаментал асари асосида ўқитилган. Ҳар йили ЮНЕСКО томонидан илм-фандаги одоб-ахлоқ бўйича Ибн Сино мукофотининг берилиши бежиз эмас.

Биз яна бир буюк мутафаккирни, ҳадисларнинг улуғ билимдони — Имом Бухорийни ҳам биламиз. 1997 йили алломанинг юбилейи ЮНЕСКО томонидан нишонланган эди. Имом Бухорий мероси юксак ҳурмат қозонгани ҳолда бутун мусулмон дунёсида ва унинг ташқарисида ҳам жуда катта эъзоз топган. Бухорийнинг "Ал-жомеъ ас-сахих" тўплами унга жуда катта маъшурилик олиб келган. Бу тўплам тўласинча ёки қисман дунёнинг

кўпгина тилларига таржима қилинган, унга жуда кўп шарҳлар ёзилган.

Ўзбек халқининг буюк аждодлари мероси ҳақида фикр юритганимда, мен бу мероснинг турли илмий соҳаларни ўз ичига оладиган қамрови кенглигига доим қойил қоламан. Амир Темурнинг набираси, астроном ва математик Мирзо Улуғбек бунинг яққол мисоли бўла олади. У тригонометрия ва сферик геометрия жаҳасида улкан истеъдод соҳиби бўлган. Самарқанддаги Улуғбек мадрасаси ҳозиргача унинг ақл-заковати ва юксак билимларини эслатиб туради.

(Давоми 2-бетда).

## Изланиш ва изчил фаолият

саноат корхоналарида сифатли махсулот ишлаб чиқаришнинг муҳим омилдир

Кейинги йилларда Хоразм вилояти иқтисодиётида ижобий ўзгаришлар кузатилмоқда. Бунда, айниқса, кичик бизнес ва хусусий тадбиркорлик субъектларининг ҳиссаси катта эканлиги қувонардир. Бинобарин, ялпи ҳудудий махсулотнинг 73,8 фоизи, иш билан банд аҳолининг қарийб 80 фоизи айни пайтда ҳудудда фаолият кўрсатаётган 10 мингдан зиёд тадбиркорлик субъектлари улушига тўғри келаяпти.

### МОДЕРНИЗАЦИЯ

Албатта, бундай ижобий натижага эришишда тадбиркорларнинг эркин фаолият юритиши учун қулай шарт-шароит яратилиб, уларга ажратилаётган кредитлар салмоғи тобора ортиб бораётгани муҳим омил бўлмоқда. Ўтган йили тижорат банкларининг 279,5 миллиард сўмлик маблағи мазкур соҳа ривож учун йўналтирилгани фикримиз тасдиғидир.



Урганч туманидаги "Afri" хусусий корхонаси ҳам мавжуд имкониятдан оқилона фойдаланиб, самарали фаолият юритаётган тадбиркорлик субъектларидан бири ҳисобланади. Яна ичимликлар, газланган ва газланмаган тоза ичимлик сувлари ишлаб чиқаришга ихтисослаштирилган ушбу корхонада 2012 йилда 2 миллиард 803 миллион сўмлик

дан ортик 10 турдаги махсулот тайёрланган бўлса, ўтган йили мазкур кўрсаткич 4 миллиард 356 миллион сўмликдан ошди. Шу билан бирга, корхона жамоаси Хоразм вилояти ва Қорақалпоғистон Республикасидаги 400 га яқин савдо корхоналари билан ҳамкорлик қилиб келмоқда. Яна бир эътиборли жиҳати шундаки, корхонада махсулотларни

(Давоми 2-бетда).

## Ахборот-кутубхона муассасалари ва қонунчилик

Қарши шаҳрида Ўзбекистон Республикаси Олий Мажлиси Қонунчилик палатасининг Ахборот ва коммуникация технологиялари масалалари кўмитаси томонидан Ўзбекистон Миллий кутубхонаси билан ҳамкорликда "Ахборот-кутубхона фаолияти тўғрисида"ги Ўзбекистон Республикаси Қонунининг ижроси: ҳуқуқни қўллаш амалиётини такомиллаштириш масалалари" мавзусида давра суҳбати ташкил этилди.

### ДАВРА СУҲБАТИ

Тадбирда Қонунчилик палатаси депутатлари, Вазирлар Маҳкамаси, Алоқа, ахборотлаштириш ва телекоммуникация технологиялари давлат кўмитаси, Ўзбекистон Миллий кутубхонаси, тегишли вазирлик ҳамда идоралар мутасаддилари, барча вилоятларнинг ахборот-кутубхона муассасалари раҳбар-

ҳодимлари, оммавий ахборот воситалари ва фуқаролик жамияти институтлари вакиллари қатнашди.

Қайд этилганидек, мамлакатимизда вояга етаётган ёш авлодининг интеллектуал эҳтиёжларини қондиришга, маданий-маърифий кадрларни сақлашга қаратилган мут-

лақо янги, замонавий кўринишдаги ахборот-кутубхона тизимини яратиш борасида тизимли ишлар амалга оширилмоқда. Бунда ахборот-кутубхона ва ахборот-ресурс марказларини ривожлантиришнинг қонунчилик асосларини такомиллаштириш масалалари алоҳида эътибор қаратиляпти. Ҳу-

сусан, "Ахборот-кутубхона фаолияти тўғрисида"ги Ўзбекистон Республикаси Қонуни ҳамда Ўзбекистон Республикаси Президентининг 2011 йил 23 февралдаги қарори мамлакатимизда ягона ахборот-кутубхона тизимини шакллантириш, замонавий ахборот-коммуникация технологиялари асосида ахборот-кутубхона ресурсларини ривожлантириш ҳамда аҳолига сифатли ахборот-кутубхона хизмати кўрсатишни ташкил этиш, ахборот-кутубхона ва ахборот-ресурс марказларининг моддий-техника базаси мустаҳкамланиши

ҳамда малакали кадрлар билан таъминланишида муҳим омил бўлмоқда.

— Тадбирни ўтказишдан кўзланган асосий мақсад "Ахборот-кутубхона фаолияти тўғрисида"ги Қонуннинг ижросини таъминлаш масалаларини муҳокама қилиш ҳамда мавжуд муаммоларни бартараф этиш юзасидан тақлиф ва тавсиялар ишлаб чиқилган иборатдир, — дейди Олий Мажлис Қонунчилик палатаси депутати Хафиза Каримова. — Жойларда бу борада муайян ишлар амалга оширилмоқда, хусусан, мазкур Қонуннинг ижросини таъминлаш мақсадида ахборот-кутубхона муассасалари фаолиятини ривожлантириш юзасидан аниқ дастурлар қабул қилинган.

(Давоми 2-бетда).

### ХАЛҚАРО АНЖУМАН

Мамлакатимиз соғлиқни сақлаш тизимида амалга оширилаётган ислохотлар аҳоли саломатлигини ишончли муҳофаза қилиш, тиббий хизмат сифатини жаҳон андозалари даражасида ташкил этиш имконини бермоқда.

### Илғор тажриба ва ютуқларимиз эътирофи

Мазкур йўналишда амалга оширилган ишлар ва тўпланган тажриба хорижий мутахассисларда ҳам катта қизиқиш уйғотаяпти. Бухоро шаҳрида нейрхирургиянинг долзарб масалаларига бағишлаб ўтказилган халқаро анжуманда бу фикр яна бир қарра ўз исботини топди.

Соғлиқни сақлаш вазирлиги, Республика Нейрхирургия илмий маркази ва Нейрхирурглар ассоциацияси ҳамкорлигида ташкил қилинган тадбирда юртимиз шифокорлари, илмий тадқиқотчилари билан бир қаторда, Япония, Ҳиндистон, Малайзия, Россия, Қозғоғистон сингари давлатларнинг соҳага алоқадор етакчи мутахассислари иштирок этди.

Анжуманда таъкидланганидек, кейинги йилларда тиббиёт соҳасига замонавий технологиялар жадал кириб келаяпти. Даволашнинг самарали усуллари қўлланилмоқда. Марказий нерв тизими касалликларини муолажаси ҳам бундан истисно эмас. Мамлакатимиз, жумладан, республика Шошилич тиббий ёрдам илмий маркази Бухоро филиалида кейинги йилларда бош мия ва орқа мия ўсмалари, умуртқа поғонаси жароҳатлари билан боғлиқ хасталикларни даволашда жарроҳлик амалиёти муваффақиятли амалга оширилмоқда.

(Давоми 2-бетда).

www.xs.uz

«Халқ сўзи» газетаси сайтида ўқинг

Фуқароларнинг меҳнат ҳуқуқлари таъминланиши:

Миллий тажриба ва халқаро стандартлар

"Фуқароларнинг меҳнат ҳуқуқлари таъминланиши: Ўзбекистон тажрибаси ва меҳнат соҳасидаги халқаро стандартлар" мавзусида пойтахтимизда ўтказилган халқаро конференцияда мамлакатимизда тараққиётнинг "Ўзбек модели" тамойиллари ҳаётга изчил татбиқ этилаётгани, бу демократик ислохотларни янада чуқурлаштириш ва фуқаролик жамиятини ривожлантириш, юрт раванги, халқ турмуши фаровонлигини янада юксалтиришга хизмат қилаётгани алоҳида эътироф этилди.

Халқ сўзи Народное слово

# Тижорат сирининг ҳуқуқий кафолати

Ўзбекистонда бозор муносабатлари шароитида иқтисодий таркибий ўзгариш, ишлаб чиқаришни модернизациялаш, техник ва технологик жиҳозлаш қизғин жараёнга айланди. Иқтисодий таркибнинг фан ва техниканинг энг илғор ютуқларига, ишлаб чиқаришни самарали бошқаришга, инновацион ҳаялнинг шакллантирилган таълим тизимига таянади, десак, муболага бўлмайди. Бу, ўз навбатида, нафақат назарий фанлар ривожлантирилиши қўллаб-қувватлашни, кенг инвестиция жалб қилишни, инновацияларни амалиётга татбиқ қилишни кучайтиришни, балки, энг аввало, уларнинг технологик, ахборот ҳамда тижорат хавфсизлигини таъминлашни талаб қилади.

## ПАРЛАМЕНТ ҲАЁТИ

Ҳўжалик юритувчи субъектларнинг иқтисодий фаолиятида тижорат сирларидан таркиб топан ахборот ресурслари бошқа моддий ва интеллектуал активлар қатори муҳим аҳамият касб этади. Уларнинг мулкдорлари ўз вақолатлари доирасида тижорат сирларини қайта ишлаш, ҳимоя қилиш ва улардан фойдаланишнинг тартиб-таомилларини мустақил белгилайди. Тегшли ҳуқуқнинг эгаси сифатида улар ўзларининг ахборот ресурсларига қонунийликда белгилаган тартибда тўлиқ эгаллик қилишлари ҳамда улардан фойдаланишлари мумкин. Шундай қилиб, ҳар бир ҳўжалик юритувчи субъект «тижорат сирини» деб номланган ўзининг конфиденциал ахборот ресурсини шакллантиради. Аммо улар ҳар доим ҳам ушбу тушунчанинг мазмун-моҳияти ҳамда инсофсиз рақобатдан қандай ҳимояланишни чуқур тушунавермайди. Қандай ахборотлар тижорат сирини ҳисобла-

ниши, уларнинг қорхонага зарар етказмасдан шериклари, рақобатчилари ва давлат органларига қанчалик очик бўлиши кераклиги амалдаги қонунийликда етарли даражада ёритиб берилмаган. Шу ўринда алоҳида қайд этиш керакки, бундай ҳолатларда тижорат билан шуғулланган ҳар бир қорхонанинг илмий-техникавий, технологик, ишлаб чиқариш, молиявий-иқтисодий амалиётлар, шунингдек, ўз ҳўжатлари тўғрисидаги ахборотини сир сақлашдаги ҳуқуқи амалга оширилади. Ўзбекистон Республикасининг Конституцияси ва қонуни асосида барча мулкдорлар ўз ҳўжжасини амалга ошириш учун тенг шарт-шароитлар билан таъминланган. Ўз навбатида, интеллектуал мулк объектларининг мутлақ эгалари ва тижорат сирини эгалари турли норматив-ҳуқуқий ҳўжатларда қўзда тутилган ҳўқуқ ҳамда вақолатлардан фойдаланади.

Қонунчиликнинг махфий ахборот, тижорат сирини ва бошқа турдаги сирлар ҳақидаги нормалари республикамизнинг 40 та қонунида мавжуд. Шу билан бир қаторда, давлатимиз раҳбарининг 35 та Фармон ва қарорлари ҳамда ҳуқуқнинг тегишли қарорларида ҳам мазкур тушунчага дахлдор қоидалар ўз ифодасини топган. Аммо тижорат сирини ҳимоя қилишга оид турли ҳўқуқий ёндашувлар ва бошқа масалалар қонунчиликда бир хил акс этмаган. Шу муносабат билан Ўзбекистон Республикаси Олий Мажлиси Қонунчилик палатаси депутатлари томонидан «Тижорат сирини тўғрисида»ги қонун лойиҳаси иккинчи ўқишга тайёрланмоқда. Ушбу қонун лойиҳаси Ўзбекистон Республикаси Президенти ва Вази́рлар Маҳжиди тасдиқлаш қарорлари ижросини таъминлаш мақсадида ишлаб чиқилган. Мазкур ҳўқуқий ҳўжатларда махфий ахборот то-

ифасига қирадиган маълумотлар рўйхати тасдиқланган ҳамда ҳимоя қилиниши лозим бўлган «тижорат сирини» ҳам ўрин олган. Ҳозирги кунда қонун лойиҳаси нормалари атофлича муҳокама қилинмоқда. Ушбу ҳўжатни янада такомиллаштиришда депутатлар билан бир қаторда соҳа мутахассислари ва экспертлари, ҳуқуқшунослар, фуқаролик жамиятининг манфаатдор ташкилот ва институтлари вакиллари фаол қатнашмоқда. Мазкур қонун лойиҳаси бўйича парламент куйи палатасидаги барча сиёсий партиялар фракциялари ҳамда Ўзбекистон экологик ҳаракати депутатлар гуруҳи аъзолари ҳам ўз нуктаи назарларини билдиришди. Бунда жамият манфаатларига тааллуқли тижорат сирини режимини ўрнатиш жараёнини ҳўқуқий тартибга солиш масаласи алоҳида эътиборга олинмоқда. Фирқимизча, «тижорат сирини» тушунчаси дейилганда, ишчиларнинг меҳнатига ҳақ тўлаш, иш ҳойининг махсус шароитлари ва иختисослашуви, меҳнат муҳофазаси, хусусан, ишлаб чиқариш жараёнидаги ҳўжжатлар ҳамда касб касалликлари кўрсаткичлари, ишчиларнинг сони ва таркиби, бўш иш җойлари ҳақидаги ахборотлар тушунилмаслиги керак. Иш берувчиларнинг иш ҳақи ва ижтимоий тўловлар ҳақидаги маълумотлари ҳам «тижорат сирини»

бўлмаслиги керак. Бундай ижтимоий-иқтисодий масалаларни ҳал қилиш давлат ҳокимияти органларининг самарали чора-тадбирлари орқали ёки иш берувчи ҳамда ходимлар ўртасида ижтимоий шериклик асосида амалга оширилиши мумкин. Айни пайтда тижорат сирини режими атоф-муҳит ифлосланиши, ёнғин хавфсизлиги ҳолати, санитария-эпидемиологик ва радиациявий вазият, озик-овқат маҳсулотлари хавфсизлигига доир ва бошқа маълумотларга тааллуқли бўлмаслиги мақсадга мувофиқ. Шунинг билан бир қаторда, «Тижорат сирини тўғрисида»ги қонун лойиҳаси қонунчиликдаги мавжуд бўшлиқларни тўлдирishi лозим. Бу тижорат сирини белгилашдаги турли ёндашувларнинг олдини олиди, тижорат сирини эгасининг ҳўқуқларини мустаҳкамлайди, махсус режим тижорат сирларини белгилаш масалаларини ҳўқуқий жиҳатдан бир хил тушунишни таъминлайди. Қонун лойиҳасининг қабул қилиниши тижорат сирини эгаларининг ҳўқуқларини ушбу соҳадаги муносабатларни тартибга солиш орқали ҳимоя қилиш бўйича чора-тадбирлар тизимини шакллантиришга хизмат қилади. Умуман, шу асосда ҳўжалик юритувчи субъектларнинг самарали фаолияти, ахборот технологиялари, ишлаб чиқариш ноу-хаулари ҳамда инновацияларнинг жадал ривожланиши учун қўлай шароит яратилади. Буларнинг барчаси пировардида барқарор иқтисодий ўсишга олиб келади.

**Феруза ОМОНОВА,**  
**Олий Мажлис**  
**Қонунчилик палатаси**  
**Бюджет ва иқтисодий ислохотлар**  
**қўмитаси аъзоси.**

# ХАЛҚАРО ОЛИМПИА ҚЎМИТАСИ ВАКИЛИ ЎЗБЕКИСТОНДА

*Мамлакатимизга ташриф буюрган Халқаро олимпия қўмитаси ижроия қўмитаси аъзоси, Халқаро енгил атлетика федерацияси (IAAF) вице-президенти Сергей Бубка Ўзбекистон Миллий олимпия қўмитаси раиси М. Усмонов билан учрашди.*

Сўхбат чоғида Президентимиз Исломо Каримов раҳнамолигида мамлакатимизда спортни ва олимпия ҳаракатини изчил ривожлантиришга қаратилаётган улкан эътибор ва ғамхўрлик юксак самаралар бераётгани алоҳида таъкидланди. Жумладан, Олимпия ўйинлари дастуридан жой олган енгил атлетика тобора оммалашиб бораётган. Спортчиларимизнинг нуфузли мусобақаларда қўлга киритаётган ютуқлари салмоғи ҳам йилдан-йилга ортиб бормоқда. 2013 йилда енгил атлетика қўмитасидаги турнирларда 45 олтин, 70 кумуш ва 36 бронза, жами — 151 медални қўлга киритгани бунинг далилидир. Жорий йил февраль ойида Хитойнинг Ханчжоу шаҳрида ўтказилган енгил атлетика бўйича ёпиқ иншоотлардаги VI Осиё чемпионатида терма жамоамиз аъзолари учта олтин, учта кумуш, иккита бронза, жами — саккизта медалга сазовор бўлди.

Давлатимиз раҳбарининг 2013 йил 25 февралдаги «Ўзбекистон спортчиларини 2016 йилда Рио-де-Жанейро шаҳрида (Бразилия) бўлиб ўтадиган XXXI ёғи Олимпия ва XV Паралимпия ўйинларига тайёрлаш тўғрисида»ги қарорига мувофиқ барпо этилаётган мазкур иншоотлар мамлакатимиз спорт инфратузилмасини янада ривожлантириш, спортчиларимизнинг саломатлигини мустаҳкамлаш, машғулотлари юқори савияда ташкил қилишга хизмат қилади.

Президент Исломо Каримов томонидан спортни ривожлантиришга қаратилаётган улкан эътибор соҳа тараққиётида муҳим омил бўлмоқда, — деди Сергей Бубка. — Ўзбекистонда спортни ҳар томонлама тараққий эттириш, спортчиларни қўллаб-қувватлаш борасида амалга оширилаётган кенг қўламли ислохотлар ўзининг юксак самараларини бераётганига гувоҳ бўлдим. Халқаро олимпия қўмитаси ижроия қўмитаси аъзоси, Халқаро енгил атлетика федерацияси вице-президенти Сергей Бубка Ўзбекистон Республикаси Бош вазирининг ўринбосари, Ўзбекистон енгил атлетика федерацияси раиси Ф. Ибрагимов билан учрашди.

Сергей Бубка Ўзбекистон Миллий олимпия қўмитаси ва Республика спорт тиббиёти илмий-амалий маркази, «Пахтакор» стадиони ҳудудидаги замонавий енгил атлетика базаси қурилиши жараёни билан танишди.

**Б. АЙТМУРДОВ,**  
**ЎЗА мухбири.**

# Устюрт мўъжизасини янги авлод бунёд этмоқда

(Давоми. Бошланиши 1-бетда).

Эътибор қилинг, умумий қиймати 3,9 миллиард АҚШ долларлик ушбу қорхона ишга тушгач, йилга 4,5 миллиард куб метр табиий газни қайта ишлаш ҳисобидан 3,7 миллиард куб метр газ, 387 минг тонна полиэтилен, 83 минг тонна полипропилен, 102 минг тонна пиролиз бензини ва бошқа қимматбаҳо маҳсулотлар ишлаб чиқариш имконияти юзага келади. Албатта, буларнинг бари, аввало, Ўзбекистонимиз куч-қудрати, салоҳияти ва имкониятлари тобора юксалишидан далолат беради. Яна бир қувонарли жиҳати, одам юрса оёғи, қуш учса қаноти қуядиган саҳродаги улкан бунёдкорлик ишларини амалга оширишда юртимизнинг юксак

билим ва малакага эга ёшлари ҳорижлик мутахассислар билан тенгма-тенг туриб ғайрат-шижоат кўрсатмоқда. Бошқача айтганда, Устюрт мўъжизасини шу заминнинг янги авлоди, бунёдкор фарзандлари яратаяпти. Мен ҳам бугун ана шу йигит-қизлар сафида меҳнат қилаётганимдан фахрланиман. Насиб бўлса, мазкур ноёб қорхонани биз, ёшлар ўзимиз ишга туширамиз ва ўзимиз бошқарамиз. Бутун дунёга «Ўзбекистонда ишлаб чиқарилган» ёрлиғи билан нефть-кимё соҳаси учун юқори сифатли маҳсулотлар етказиб берамиз.

**Мақсат ПРНАЗАРОВ,**  
**«Uz-Kor Gaz Chemical»**  
**Ўзбекистон —**  
**Жанубий Корея**  
**қўшма қорхонасининг**  
**бўлим муҳандиси.**

# Илғор тажриба ва ютуқларимиз эътирофи

(Давоми. Бошланиши 1-бетда).

Зеро, марказ малакали кадрлар ҳамда замонавий тиббий асбоб-ускуналар билан таъминланган. Анжуманда сўз олганлар шу йўналишда тўпланган Ўзбекистон ва жаҳон тажрибаси ҳақида атофлича сўз юритдилар. Иштирокчилар эътиборини соҳанинг долзарб масалаларига қаратдилар. Нейрохирургия соҳасидаги энг сўнгги янгиликлар, касалликларни даволашнинг самарали усуллари юзасидан ўзаро тажриба алмашилди.

Бундан ташқари, шу кунларда жамоа ўз маҳсулотларини харидорларга етказиб беришнинг янги усулини татиқ қилаётган. Гап шундаки, шаҳар ва туманларда қорхона маҳсулотларини сотиш, тарқатиш офислари қурилиб, тайёр маҳсулотларни сифатли сақлаш учун махсус омборхона-

**Истам ИБРОҲИМОВ,**  
**«Халқ сўзи» мухбири.**

(Давоми. Бошланиши 1-бетда).

У ўз даврининг машҳур академиясига ҳам асос солган. Улугбекнинг вафотидан кейин ҳам бу ерда таниқли тадқиқотчилар илмий фаолият олиб боришган. Фарблик Тихо Браге, Николай Коперник, Иоганн Кеплер ва Томас Хайд сингари олимлар Улугбек асарларидан ўз тадқиқотлари учун кўплаб фойдали маълумотларни олганлар. Ўн олти йиллик танаф-

# Габриэль Пиричка:

## «Ўзбекистон буюк олим ва мутафаккирларнинг Ватанидир»

қуддан сўнг халқаро илмий конференцияда иштирок этиш учун эртакмонанд Самарқанд шаҳрига яна бораётганим мени ниҳоятда қувонтирди. Сафарим чоғида Ўзбекистон тараққиётига бевосита гувоҳ бўлиш ва юз берган ўзгаришларни баҳо-

лаш имконига эга бўламан, деб умид қиламан. Яқинлашиб келаётган анжуман ўрта асрлар Шарқ аломалари ва мутафаккирларининг тарихий меросини ўрганиш, бу борада қизиқарли фикрлар алмашиш учун самарали мулоқот майдони

сифатида хизмат қилиши шўбҳасиздир. У турли мамлакатлар ва ўқув муассасалари олимлари ўртасида янгидан-янги алоқалар ўрнатиш имконини ҳам беради.

**«Жаҳон» АА.**

(Давоми. Бошланиши 1-бетда).

Айтиш керакки, қорхона жамоаси бундай муваффақиятга тинимсиз изланиш, ташаббус кўрсатиб меҳнат қилиш орқали эришяпти. Бундан уч йил аввал

лар бунёд қилинди. Қорхона раҳбари Илхом Оллабергановнинг айтишича, ҳали бу ҳаммаси эмас. Улар яқин вақт ичида пластмасса идишлар учун қопқоқлар ишлаб чиқаришни ҳам йўлга қўйиш ҳаракатида. Шу мақсадда ҳориждан

120 минг АҚШ долларилик замонавий ускуналар келтирилди. Бундан қўринадики, келгусида қорхона фаолияти янада ривожланиб, қўшимча иш ўринлари яратилади. Уларнинг бу ташаббуси вилоят, қолаверса, республикамиз иқтисодиёти равнақиға муносиб ҳисса бўлиб қўшилади, албатта.

# Изланиш ва изчил фаолият

саноат қорхоналарида сифатли маҳсулот ишлаб чиқаришнинг муҳим омилidir

замонавий технологик линия ўрнатилиши 120 минг дона пластмасса идишларни тайёрлаш учун мустаҳкам замин яратди. Бундан ташқари, шу кунларда жамоа ўз маҳсулотларини харидорларга етказиб беришнинг янги усулини татиқ қилаётган. Гап шундаки, шаҳар ва туманларда қорхона маҳсулотларини сотиш, тарқатиш офислари қурилиб, тайёр маҳсулотларни сифатли сақлаш учун махсус омборхона-

**Оббек РАҲИМОВ,**  
**«Халқ сўзи» мухбири.**  
Шоҳмурот ШАРАПОВ олган суратлар.



# Ахборот-кутубхона муассасалари ва қонунчилик

(Давоми. Бошланиши 1-бетда).

Чунончи, ахборот-кутубхона фаолиятида қонун нормаларини амалга ошириш доирасида адабиёт фондлари кўпайишини таъминлаш, ахборот-кутубхона ресурсларидан аҳолининг эркин фойдаланишини кенгайтириш бўйича режалар ҳамда тизимли ишлар олиб борилмоқда. Замонавий ахборот-коммуникация технологияларини жорий этиш асосида ахборот-кутубхона муассасаларининг самарали фаолиятини таъминлаш бўйича бир қатор ташкилий-техник чора-тадбирлар изчил қўлланилмоқда.

Давра сўхбатига ахборот-коммуникация технологиялари асосида замонавий ахборот-кутубхона ва ахборот-ресурс марказларини ташкил этиш ҳамда улар томонидан кўрсатилаётган хизматлар сифатини ошириш, фойдаланувчиларга масофадан туриб ахборот-кутубхона хизматлари кўрсатишни ташкил қилиш, ахборот-кутубхона ресурсларини рақамлаштириш, соҳада кадрларни тайёрлаш, қайта тайёрлаш ҳамда уларнинг малакасини оширишга қаратилган ишлар хусусида фикр алмашилди.

Ташкидланганидек, бугунги кунда республикамиз миқёсида 12 мингта ахборот-кутубхона муассасалари фаолият кўрсатмоқда. Уларда сақланаётган адабиётларнинг электрон каталоглари яратилиб, тўлиқ матнли электрон қўришнишга ўтказилаяпти. Ахборот-кутубхона муассасаларини замонавий компьютер жиҳозлари билан таъминлаш, уларни интернет ва «ZiyoNET» тармоғига улаш ишлари жадал олиб борилаяпти. Шунингдек, китобхонлар Миллий кутубхонанинг расмий веб-сайти орқали 500 мингдан ортиқ библиографик ёзув ва электрон қўришнишга ахборот ресурсларидан масофадан туриб фойдалана олиш имкониятига эга бўлди.

Давра сўхбатига ахборот-кутубхона соҳасида ҳуқуқни қўллаш амалиётини янада такомиллаштириш, соҳага оид қонунлар ижросини тўлиқ таъминлаш юзасидан бир қатор тақлиф ва тавсиялар билдирилди.

**Аҳад МУҲАММАДИЕВ,**  
**«Халқ сўзи» мухбири.**

# СУВНИ ИСРОФ ҚИЛИШ — УВОЛ

Сув — тириклик манбаи. Бунинг маъноси шуки, уни асраб-авайлаш, ҳар томчисидан унумли ва тежаб фойдаланиш барчамизнинг бурчимиздир. Ҳўш, ҳар кунни фойдаланаётганимиз ва усиз ҳаётимизни тасаввур қилиб бўлмайдиган бетакрор неъмат — сув истезъмолчиға етиб келгунча қандай жараёнлардан ўтади ва истезъмолдан сўнг қай усулда тозаланади? Бу каби саволларга кунни кеча Ўзбекистон Республикаси Табиатни муҳофаза қилиш давлат қўмитаси ҳамда «Сувсос» давлат унитар қорхонаси томонидан оммавий ахборот воситалари вакиллари учун «Қодирия» сув олиш иншооти ва «Салар» аэрация станциясига уюштирилган медиатур давомида жавоб олишга ҳаракат қилдик.

## МЕДИАТУР

Биламизки, кейинги йилларда пойтахтимиз — Тошкент ҳақиқий мегаполис шаҳарга айланиб бормоқда. Бу ерда амалга оширилаётган улкан бунёдкорлик ва ободонлаштириш ишлари, аҳоли сонининг кўпайиши табиий манбалар, хусусан, сувга бўлган эҳтиёжнинг ҳам тобора ошираяпти. «Сувсос» мамлакатимиздаги йирик коммунал ҳўжалиги қорхоналаридан бири бўлиб, у пойтахт аҳолисини узлуксиз сифатли ичимлик суви билан таъминлаш, шаҳар оқова сувларини ажратиш ҳамда тоза-

лаш каби юмушлар билан шуғулланади. Бугунги кунда Тошкент таъминланганлик даражаси 99 фоизни ташкил этишини ҳисобга олсак, пойтахтимиз аҳли ҳар кунни 1,5 миллион куб метр атофича сув истезъмол қилиши аён бўлади. — Бундай ишларни сифатли бажаришимизда Тошкент шаҳар ҳокимлиги ҳамда Европа Тикланиш ва тараққиёт банки ўртасидаги кредит келишувига биноан, махсус инвестиция лойиҳаси амалга оширилгани айни муддао

бўлди, — дейди иншоотнинг бош муҳандиси Абдухалил Ҳожиметов. — Чунки ушбу лойиҳа доирасида қорхонамизга янги насослар ўрнатилиб, назорат ва бошқаруви автоматлаштирилган тизим жорий этилди. Натихада ҳозирги кунга келиб, электр энергиясини 15 фоиз тежаш имконига эга бўлди. Таъкидлаш керакки, Тошкент шаҳрининг сув таъминоти 7 та сув олиш иншооти орқали амалга оширилса, «Қодирия» уларнинг энг йирикларидан биридир. Иншоотимизда сув

«Бўзсув» каналидан қабул қилинган, у биринчи ва иккинчи ҳавзаларда тиндирилади. Кейин насослар орқали фильтрлаш ва хлорлаш бўлимларида ишлов берилади, сўнг тоза ҳавзаларда йиғилиб, истезъмолчиларга юборилади. Иншоотимиз бир кеча-кундузда 1 миллион 375 минг куб метр сувини тозалаб, шаҳар тармоқларига жўнатади. Бунинг учун 220 минг кВт электр энергияси, 1400 килограмм хлор ва мавсумга қараб, 7-10 тонна ачиктош эритмаси сарфланади. Албатта, истезъмол қилинган, яъни оқова сувини тозалаш ҳам муҳим юмушлардан ҳисобланади. Чунки бу тадбир, аввало, экологик жиҳатдан фойдали бўлса, иккинчидан, сувдан самарали фойдаланишда қўл келади. «Салар» тўйинтириш иншооти жамоаси айнан шу иш билан банд. Ҳозирги кунда мазкур иншоот Тошкент шаҳрининг Яққасарой, Миробод, Мирзо Улугбек, Чилонзор, Ҳамза, Сергели туманларининг

780-850 минг куб метр оқова сувини қабул қилади. Бу ерда эса у механик, биологик, зарарсизлантириш, кимёвий-бактериологик каби босқичларда тозаланади. Иншоот бошлиғи Камолбой Солибоевнинг айтишича, иш жараёнига замонавий услублар татиқ қилинаётгани амалда ўз самарасини бермоқда. Масалан, Исломо тараққиёт банкининг инвестицияси иштирокида «Тошкент шаҳар канализация тармоқларини такомиллаштириш» лойиҳаси доирасида эскирган ускуналар янгилисига алмаштирилиб, тиндиргич ҳовузларининг кимёвий-бактериологик лабораторияси биноси мукаммал таъмирдан чиқарилди. Шунингдек, технологик жараённинг доимий назорат қилиш мақсадида диспетчерлик биноси ҳам қурилмоқда. Бироқ баъзи ҳолларда айрим юридик ва жисмоний шахслар бефарқликка йўл қўйишяпти. Баъзи қорхоналарда, ҳатто бирламчи тоза-

лаш иншоотлари ёки ускуналар мавжуд эмас. Фуқароларнинг уни истаганча исроф қилаётгани ҳам ачинарли ҳолдир. Кўриниб турибдики, бир литр сувини ичишга яроқли ҳолатга келтириш учун қанчадан-қанча куч ва маблағ сарфланади. Аммо биз ҳар доим ҳам бу ҳақда уйлаб кўрмаймиз. Сувини тежаб борасидаги оддий қоидаларга риоя қилавермаймиз. Айтилик, қаердадир кимнингдир безътиборлиги туфайли очик қолдирилган жўрмақдан оқаётган зилло сувини беркитиб қўйиш баъзан ҳаёлимизга ҳам келмайди. Ёки сувини исроф қилаётганларга танбех беришга ўзимизда журъат топа олмаймиз. Ваҳоланки, сувининг ҳар томчисини асраш, уни тежамкорлик билан ишлатиш виждон ишимиздир. Зеро, сув она-заминимизнинг бебаҳо хазинаси, табиат мўъжизаси ва бетакрор минерал бўлиш баробарида, ҳаётимиз манбаи ҳамдир. Бу, ўз навбатида, бизнинг истезъмолчилик маданиятимизни ошириб, табиат инъомидан оқилана фойдаланишни талаб қилади.

**Дилшод УЛУҒМУРОДОВ.**





## 9 МАЙ — ХОТИРА ВА ҚАДРЛАШ КУНИ

Ўтганларни хотирлаш, эзгу ишларини ёдга олиш, шунингдек, бу ёруғ дунёда умргузаронлик қилиб, кексалик гаштини сураётган фахрийларимизни ардоқлаш, уларга гамхўрлик кўрсатиш халқимизга хос кадрятлардандир. Ушбу олижаноб кадрятлар мустақиллик йилларида Президентимиз раҳнамолигида давлат сийсати даражасига кўтарилди. Хусусан, мамлакатимизда 9 май — Хотира ва қадрлаш куни сифатида нишонланиши сўзимиз исботидир.

## Чексиз эъзоз ва эҳтиром рамзи

Қашқадарё вилоятида ҳам ушбу сана олдиндан маданий-маърифий тадбирлар, учрашувлар ўтказилмоқда. Маҳаллалар, меҳнат жамоалари, ўқув масканларида уруш қатнашчилари, меҳнат фахрийлари билан ибратли мулоқотлар ташкил этилаёпти. Бундай тадбирлар ёшларимизни Ватанга муносиб фарзанд бўлишга, тинчлик ва осойишталикнинг қадрига етишга ундаши, шубҳасиз. Шунингдек, байрам баҳона вилоят, шаҳар, туман марказлари, қишлоқларда, муқаддас қадамжолар ва зиёратгоҳларда ободонлаштириш, кўкаламзорлаштириш ишлари бажарилмоқда.

— Аини пайтда вилоятда 295 нафар уруш қатнашчиси истиқомат қилади, — дейди

“Нуроний” жамғармаси Қашқадарё вилояти бўлими Кенгашининг раиси Январь Иноятов. — Давлатимиз раҳбарининг шу йил 18 апрелда қабул қилинган “Иккинчи жаҳон уруши қатнашчиларини рағбатлантириш тўғрисида”ги Фармони нуронийларимизга кўрсатилаётган гамхўрликнинг яна бир ёрқин ифодаси бўлди. Мазкур ҳужжат ижроси доирасида қатор хайрли ишлар амалга оширилмоқда. Шунингдек, фахрийларга озиқ-овқат, саноат моллари ва совғалар бериш, қарияларнинг соғлиғини тиклаш учун сихатгоҳларга йўланмалар, бепул ҳамда имтиёзли нархларда дори-дармон ажратиш, тарихий шаҳарлар ва қадамжоларга саёҳатларини уюштириш доимий

этиборда бўлмоқда. Наврўз байрами кунларида “Нуроний” жамғармаси вилоят бўлими, Қарши шаҳар ва туман бўлинмалари кенгашлари аъзолари 223 нафар уруш ва меҳнат фахрийсининг хонадонларида бўлиб, уларга иззат-ҳурмат кўрсатдилар. Фахрийларнинг соғлиғини яхшилаш мақсадида 2300 нафар нуроний тиббий кўриқдан ўтказилиб, улардан 1200 нафарига имтиёзли нархларда дори-дармонлар берилди. Ёлғиз кексалардан 68 кишининг уй-жойи таъмирланди.

Президентимизнинг 2011 йил 30 майдаги “2011 — 2015 йилларда ёлғиз кексалар, пенсионер ва ногиронларни ижтимоий ҳимоя қилиши янада кучайтириш бўйича қўшимча

чора-тадбирлар тўғрисида”ги қарорига асосан, кўмакка муҳтож ёлғиз кексалар, пенсионер ва ногиронларга ижтимоий хизмат ходимлари ҳамда Қизил Яримой жамиятининг ҳамширалари алоҳида гамхўрлик кўрсатиб келмоқда.

— Истиклолга етишимиз, юртимизнинг кундан-кун гўзаллашаётганини кўрганимизнинг ўзи катта бахт, — дейди Фузур туманида яшовчи меҳнат фахрийси Муртазо Мирзаев. — Бунинг учун беадад шукр қиламиз. Ҳаётимиз тинч, дастурхонимиз тўкин, одамларимиз эзгу амаллар билан банд. Президентимизга минг раҳмат, биз — кексалар ҳаммиса ардоқдамиз. Яқинларимиз, дўсту биродарларимиз, маҳалладошлар доимо ҳолимиздан хабардор. “Нуроний” жамғармаси, “Маҳалла” хайрия жамоат фонди вакиллари тез-тез йўқлаб келишади.

Хотира ва қадрлаш тушунчалари замирида инсонга, унинг ҳаёти, шаъни ва қадр-қимматига бўлган чексиз эҳтиром туйғуси муҳассас. Давлатимиз раҳбари таъкидлаганларидек, Хотира ва қадрлаш куни халқимизни янада бирлаштиради, унинг руҳига малҳам бўлади, иродасини бақувват, иймонини бутун қилади.

Аҳад МУҲАММАДИЕВ,  
«Халқ сўзи» мухбири.

## Хорижда малака ошириб қайтишди

Денов қурилиш ва уй-жой-коммунал хўжалиги касб-хунара коллежиган Германиядан 49 турдаги ускуналар келтириб ўрнатилди.

### ТАЪЛИМ

Шу муносабат билан коллеж ўқитувчилари мазкур мамлакатнинг Липецк шаҳридаги касб-хунара мактабига малака ошириб қайтилар.

— Сафаримиз давомида қурилиш саноатидаги энг сўнгги янгиликлар билан яқиндан танишиб, илгор технологияларни бошқариш кўникмаларига эга бўлди, — дейди коллеж ўқитувчиси И. Қўлдошев. — Энди машғулотларда ушбу янги дастгоҳлар ёрдамида ўқувчиларга қурилиш ва пардозлаш ишларини сифатли бажариш ҳамда таъмирлаш жараёнларини ўргатаёلمиз.

Нормурод ТЕМИРОВ,  
«Халқ сўзи» мухбири.



## Фан ва техника янгиликлари

“Элжихозсервис” масъулияти чекланган жамияти муҳандислари — Раҳимжон Хурбоев, Инъомжон Хусанов ва Адхамжон Тўхтасинов ўзаро ҳамкорликда қишлоқ хўжалиги техникалари учун эҳтиёт қисмлар туркумини яратдилар.

## Маҳаллий муҳандислар ихтироси

— Цехимизда пахта тегириш машинасининг шпиндель барабани учун 4 хилдаги қопқоқ ишлаб чиқаришни ўзлаштирдик, — дейди Р. Хурбоев. — Улар турдошларига қараганда мустақамлиги ҳамда узок муддат фойдаланиш мумкинлиги билан қатор афзаллик-

ларга эга. Шу боис ҳозир маҳсулотларимизга буюртмалар кўп. Хусусан, айни кунга қадар 6 минг донана шундай эҳтиёт қисм етказиб бериш юзасидан дастлабки шартномаларни имзоладик.

Саидоҳмад ШУКУРОВ,  
«Халқ сўзи» мухбири.

## Коллеж ўқувчиси битирув ишини корхонада ҳимоя қилади



Бухоро нефть ва газ саноати коллежи талабиси Умиджон Санокўлов керосин таркибини тозалаш мавзусидаги илганишлари билан мутахассислар назарига тушди.

У ўз битирув ишини Бухоро нефтини қайта ишлаш заводида ҳимоя қилди.

— Иқтидорли, изланувчан ўғил-қизларнинг корхонамиз мутахассислари иштирокида битирув ишларини ҳимоя қилишлари аънаёна айланмоқда, — дейди мазкур завод бош муҳандиси Уринбосари, техника фанлари номзоди Ҳамза Муҳаммадов. — Бу бўлғуси ёш кадрларнинг ўзларига

бўлган ишончини ошираятти. Биз мазкур коллежда таҳсил олаётган 51 нафар битирувчининг корхонамизда амалиётни муваффақиятли ўтагани, зарур билим ва кўникмаларга эгаллигини назарда тутиб, улар билан уч томонлама шартнома тузди. Амалда улар бизнинг тўлақонли ишчимизга айланмади.

Истам ИБРОҲИМОВ,  
«Халқ сўзи» мухбири.

## Солиқ тўловчилар диққатига!

Ўзбекистон Республикаси Президентининг 2014 йил 7 апрелдаги «Ўзбекистон Республикасида инвестиция иқлими ва ишбилармонлик муҳитини янада такомиллаштиришга доир қўшимча чора-тадбирлар тўғрисида»ги ПФ-4609-сонли Фармони, 2014 йил 15 апрелдаги «Тадбиркорлик фаолиятини амалга ошириш ва давлат хизматларини кўрсатиш билан боғлиқ тартибларни янада такомиллаштириш чора-тадбирлари тўғрисида»ги ПҚ-2164-сонли қарори билан тадбиркорлик субъектлари учун яратилаётган қулай шарт-шароитлар моҳиятини кенг жамоатчиликка етказиш мақсадида Давлат солиқ қўмитаси томонидан бошқа мутасадди вазирлик ва ташкилотлар билан ҳамкорликда жорий йилнинг 1 — 3 май кунлари пойтахтимиздаги «Ўзэксспомарказ» мажмуасида кўргазмали семинар ташкил этилади. Кўргазмали семинарда барча хоҳловчилар иштирок этишлари мумкин.

## Ўзбекистон Республикаси Давлат солиқ қўмитаси.

Ўзбекистон Миллий телерадиокомпанияси жамоаси “Дунё бўйлаб телеканал” давлат унитар корхонаси катта муҳаррири Фарход Бобонова воллидан муҳтарамаси ШУКУРЖОН ЯН НУРМАТОВнинг вафоти муносабати билан чўқур таъзия изҳор этади.

“Ўзбекфильм” ОАЖ жамоаси мультбўйлашма директори Жаҳонгир Назарова отаси Фероз НАЗАРОВнинг вафоти муносабати билан чўқур таъзия изҳор этади.

Ўзбекистон давлат жаҳон тиллари университети жамоаси Таржимашунослик назарияси ва амалиёти кафедраси катта ўқитувчиси Гузал Халиловага надар бузруквори АБДУҲАТТОҲ отанинг вафоти муносабати билан чўқур таъзия изҳор этади.

Тошкент давлат иқтисодий университети ректорати ҳамда қасаба уюшмаси қўмитаси Иқтисодий таҳлил ва аудит кафедраси катта илмий ходим-изланувчиси Ҳамид Мавлонбердиевич ДАВЛЯТОВнинг вафоти муносабати билан марҳумнинг оила аъзолари ва яқинларига чўқур таъзия изҳор этади.

## «Ботаника боғи» чорлайди

Пойтахтимиздаги “Ботаника боғи”да янги мавсум бошланди.



### МАВСУМ

Мамлакатимиздаги йирик илмий тадқиқот муассасаси ҳисобланган ушбу масканда турли давлатлардан келтирилган, иқлимлаштирилган ўсимликлар генофондини ўрганиш, сақлаш ҳамда мунтазам тўлдириб бориш борасида илмий изланишлар ва тажрибалар амалга оширилади. Аини пайтда қарийб 68 гектарни эгаллаган ушбу маскан бешта географик минтақага бўлинган. Ҳар бир минтақа ўз

иқлимга эга бўлиши таъминланган.

Ҳозирги кунда мазкур боғда гулли-манзарали ўсимликларнинг мингдан зиёд, дарахт ва буталарнинг эса икки мингга яқин тури, доривор ўсимликларнинг 350, қолаверса, Марказий Осиё республикалари “Қизил китоби”га киритилган камёб ва эндемик ўсимликларнинг 300 дан зиёд турлари мавжуд.

Моҳира АДЗИОВА.

## РЕКЛАМА ВА ЭЪЛОНЛАР

### ХАЛҚ BANKI

## ЎЗБЕКИСТОН РЕСПУБЛИКАСИ ДАВЛАТ-ТИЖОРАТ ХАЛҚ БАНКИ

аудиторлик ташкилотларини банкнинг 2014 йил якунлари бўйича молиявий ҳисоботини аудиторлик текширувдан ўтказиш учун

танловда қатнашишга таклиф этади.

Аудиторлик текшируви Халқ банкнинг 2014 йил якунлари бўйича молиявий ҳисоботларини халқаро аудит ва молиявий

ҳисоботларнинг халқаро стандартларига мувофиқ ўрганиб чиқишга қаратилиши лозим.

Аудит Ўзбекистон Республикаси Давлат-тижорат Халқ банкнинг фаолиятини аудит дастурига мос равишда таҳлил қилиш ва баҳолаш ҳамда халқаро аудит стандартларига мувофиқ ҳолис аудиторлик ҳулосасини ўз ичига олиши зарур. Қўшимча тарзда Ўзбекистон Республикаси Давлат-тижорат Халқ банкнинг фаолиятини такомиллаштиришга йўналтирилган таклиф ва тавсиялар ҳам қабул қилинади.

Халқ банкига аудиторлик хизматларини кўрсатиш бўйича танловда қатнашиш учун техник ва молиявий таклифларни 2014 йил 23 май куни соат 14.00 дан кечикмаган ҳолда, Давлат-тижорат Халқ банкига қуйидаги манзил бўйича юбориш лозим:

100096, Тошкент шаҳри, Қатортол кўчаси, 46-ўй.

Маълумот учун телефонлар:

(+998 71) 200-00-55, 273-69-13.

### «KO'CHMAS MULK SAVDO XIZMATI» МЧЖ Бухоро вилояти филиали

бошланғич баҳоси босқичма-босқич олиб бориш тартибидан ўтказилаётган такрорий очиқ аукцион савдосига таклиф этади.

Аукцион савдосига Бухоро шаҳар СИБ томонидан ЖИБ Тошкент шаҳар судининг 2012 йил 6 августдаги ЖКС-1-222/12-сонли иқро варақасига асосан хатланган, Бухоро шаҳри, Қаям Муртазов кўчасида жойлашган, умумий майдони 500,0 кв.м.дан иборат, икки қаватли, пишиқ ғиштдан қурилган 21-уй-жой қўйилмоқда.

Бошланғич баҳоси — 642 241 017 сўм.

Аукцион савдоси 2014 йил 15 май куни соат 11.00 да бўлиб ўтади.

Аризалар иш кунлари соат 10.00 дан 16.00 гача қабул

қилинади (соат 13.00 дан 14.00 гача тушлик вақти). Аризаларни қабул қилишнинг охириги муддати — 2014 йил 13 май куни соат 18.00.

Кўчмас мулк билан тегишли шаҳар суд ижрочилари бўлими вакили иштирокида бевосита жойига чиқиб танишиш мумкин.

Талабгорлар мулк бошланғич баҳосининг 10 фоизидан кам бўлмаган миқдордаги закалат пулини тўлов ҳужжатида ижро ҳужжати рақами ва санасини кўрсатган ҳолда, «Ko'chmas mulk savdo xizmati» МЧЖ Бухоро вилояти филиалининг ОАТ «Турон» банки Бухоро филиалидаги қуйидаги ҳисоб рақамига тўлашлари шарт: 20208000304920609016, МФО: 00111, СТИР: 207122519.

Савдо ўтказилаётган манзил: Бухоро шаҳри, Мустақиллик кўчаси, 10-ўй, 4-қават. Телефон: (8-365) 221-58-70. www.1kms.uz

Хизматлар лицензияланган.

**ИП ООО «АМКОДОР-TASHKENT»**  
официальный дистрибьютор холдинга «АМКОДОР» в Республике Узбекистан

погрузчики фронтальные и универсальные	погрузчики с бортовым поворотом, ямобуры	автогрейдеры и землевозы	катки самоходные вибрационные
экскаваторы-погрузчики	экскаваторы	машины фрезерные, траншеекопатели	вилочные авто-и электропогрузчики

Товар сертифицирован  
Тел./факс: (8-371) 283-42-18, 283-42-17, моб. (+998 94) 669-29-71.  
Республика Узбекистан, 100005, г. Ташкент, ул. 8 Марта, 57, e-mail: ajle@mail.ru, www.amkodor.by

**Халқ сўзи**  
Народное слово

МУАССИСЛАР:  
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

ТЕЛЕФОНЛАР:  
Девонхона 233-52-55;  
Котибият 233-10-28; Ўзлонлар 232-11-15.

ИЗДАШ 2010-8788  
ISSN 2010-8788

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 469. 121 618 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

Тахририятга келган кўлэмалар тақриз қилинмайди ва муаллифга қайтарилмайди.  
Реклама материаллари учун тахририят жавобгар эмас.  
Газета тахририят компьютер марказида терилди ҳамда оператор Ж. Тоғаев томонидан саҳифаланди.

• МАНЗИЛИМИЗ: 100000, Тошкент шаҳри, Матбуотчилар кўчаси, 32-ўй.  
Набатчи муҳаррир — М. Жонионов.  
Набатчи — Ю. Бўронов.  
Мусахҳах — Ш. Машраббоев.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 20.30 Топширилди — 22.55 1 2 3 4 5

Тахририятга келган кўлэмалар тақриз қилинмайди ва муаллифга қайтарилмайди.  
Реклама материаллари учун тахририят жавобгар эмас.  
Газета тахририят компьютер марказида терилди ҳамда оператор Ж. Тоғаев томонидан саҳифаланди.

• МАНЗИЛИМИЗ: 100000, Тошкент шаҳри, Матбуотчилар кўчаси, 32-ўй.  
Набатчи муҳаррир — М. Жонионов.  
Набатчи — Ю. Бўронов.  
Мусахҳах — Ш. Машраббоев.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 20.30 Топширилди — 22.55 1 2 3 4 5